



松樹館詩鈔

和18
2004



和子
門
卷
2004

皎亭先生詩集序

瓊嘗聞之師曰詩不徒作言必有物故曰在心為志發
言為詩夫所謂物者關係天下盛衰存亡之故而所謂
志者忠臣烈士憂傷忼慨之情也非此二者則皆漫語
矣故曰詩三百篇皆賢聖發憤之所作蓋非賢聖則不
能作賢聖而不發憤則又不應作史公此論實隆古太
師採詩之主意而齊魯言詩家之標準也故詩有以言
作者有以志作者以言作者徃々遺志而徒言若令徵
逐遊讎唯求工辭者之所作也以志作者良臣願治疇



士効節各有其志。皦如出日。然昌辰稀。遇窮者易。工有才無用。有懷莫伸。則古有深居簡出。以求其志者之所作也。故詩有由己。作者有由。天下作者由己。作者其辭止於嗟。衰歎。卑感。時道景。而作唐宋。而來以詩名家者。之所多有也。由天下作者興與時會。政與聲通。聖神在上。則為昌明博大之音。以廣其聰。諂邪累位。則為憤疾怨歎之辭。以救其失。故有美有刺。以諷以正。所謂主文而譎諫。故言之無罪。聞者足戒。而作漢魏以上。不著名氏者。之所不能無也。然在孔子之時。已歎詩亡。則今之

所存者希矣。瓊自弱冠。偶信及此。至今老白首。不能易然。持而問世。未遇起予之賞。而往往與經生家齟齬。獨李聞庵先生聞而喜之。謂與其師玄皎亭先生之言相契。亟取蕪稿。以求正于皎亭先生。即蒙印可。輒取大集介間。庵以求評閱于瓊。泐乎決乎。一揚一抑。幾皆關係世故根柢。風騷而毫無徇世徒言之疵。烏虜盛矣。既卒業。畧注幾句于行間。以致敬賞之意。而歸之先生。甚喜。以為深惟作者之旨。復介間。盍求弁卷之文于瓊。自惟譾劣。堅辭不敢當。約與聞。菴反門。而先生遽遊岱。為瓊

沒齒之恨先生哲孫雲草甫復述先志固請不已既許之而星霜再變不能措一辭非敢緩也深懼先生著作之本意倘有未契者存也昔蘓文忠為范丞相序文正之集七年而始出此事豈不大難矣乎然范公文章為勲德所掩而高雅妙麗為具眼者所必賞自能行世而無待髯公之贊揚也今皎亭先生品行峭潔學問精鍊識力感大有未易測不欲以詩文小技自顯于世而淵深博雅為必傳之作豈藉瓊之譏詞也哉特以眼日相契之深必求蕪序之志或有人所不能與者故終不能已

於言也嗟呼昔者丁酉山先生以詩雄視海外而獨心托於李蕩船先生求為其詩弟子瓊之淺薄不敢望酉山先生萬一而忻慕之啟則瓊於皎亭先生亦云
聖上即祚十有六年己卯仲冬天水姜瓊拜手謹序

敬亭詩鈔卷全

述懷

川寧玄 鎰著

嗟我平生事新詩歷、言早年承祖武永世感君恩紫
誥崇班貴黃堂太守尊才疎驚泛駕官濫鶴乘軒短策
尋東路初衣返故園耕耘責一力誦讀課諸孫白髮三
千丈春風廿四番屋成楸樹洞酒熟杏花村婢煮鷄頭
菜妻縫犢鼻禪庭槐餘蔭在門柳古情存醫俗莫如竹
療愁真是萱何妨山樓僻了無城市喧息機乞習靜多



病不堪煩手種松杉密眼看霜露繁起居邱墓側恍若
侍晨昏

李君和之來留數朔薄歲告歸

隻手持門戶青春學業成衣巾無俗態談笑有詩聲
力近前輩多才畏後生歸鞭留不得歲暮倚閭情

送和之

君以上元
為回期

寒窓梅正凍離席忽橫枝、上花猶早叮嚀月下期
待和之

迨、明月夜奈此可憐枝空谷驢鳴急知君不負期

次韓雅韻

士不求知、者知讀書何妨做書痴沽名釣利非能事
不是欺人是自欺

勝我自知唯有君相逢投轄罪談屑願言同任此山中
明月太虛無小別

鏡

時、拂拭淨塵埃晝簇清光炯玉臺蒲柳空將衰態露
菱花更逐笑顏開無中含有呈羣象分外生明鍊幾回
不敢向人誇至寶曾經盲者蓋庖來

送張元一入燕

說禮敦詩老不休四方專對認才優
白頭持節身猶健何似君家博望侯

山川城郭恣依然此去應無未了緣
記否廣寧千丈雪三宵對榻不成眠

潦倒平生負壯圖老年猶不憚馳驅
誰知今日乘槎客

却是烟波舊釣徒

隱居海島殆近三十年

憶和之

林園寒漠漠春雪未全消月影無人問
花魂待爾招鴨

爐生古篆蟾滴漲新潮夜久難成夢孤燈守寂寥

賀韓僉樞汝成周甲

介壽有春酒今朝弧席圓菜衣成舞列棣萼咏詩篇
君子宜偕老仁人必得年那知百里外饒士坐流涎

裸虫

吾為裸虫長虫蠢木來然抵死蝗梁黍平生蠹簡編
無才尚雕篆逐臭是腥羶天冷空垓戶苦吟真可憐

春事

寒風料峭雪成堆炭裡那知煖律回朝鵲一聲如報喜

牆頭忽見杏花開

塵趨無好事林臥且安身嫩菜如毛細芳醪作態新微
雲能送雨老柳慣迎春井字雙扉合終朝不見人

贈張上舍鴻善

不見尊翁久稀年德更高家庭是樂地昆季皆名豪才
業攀蟾桂文章有鳳毛吾生能幾日世好在兒曹

寄擇中

蠟封空把尺書裁北雁無情去不回千里能傳春草句
君家又有惠連才

家督宰陽城頗有治聲

倘使口皆碑不如心成城甬無稽古力聲譽總過情

贈塾師趙章堂

相府吐茵醉侯門彈鋏歌倦遊經歲久勤學鑄人多白
首囊螢在青春隙駟過偶然成晚契吟興奈衰何
轉眄陽春去伊誰和郢歌禽喧泉響細花落雨痕多
老攜琴至侯生載酒過新知今幾日談笑樂如何
幸逢聖明世巷陌任謳歌燕石空為寶驪珠不厭多
陳雷交已密唐宋獎尤過且願同遲曠餘生問幾何

次韋堂韻

百里菟裘已築基
龍鍾非復舊風儀
馮生潦倒空成老
蘓子飄零不遇時
君有文章何疾捷
吾無才思更衰遲
閒來更覺添書癖
自笑餘生做白癡

餞春

次隱孫韻

落地紛紛雨點紅
小園吹盡棟花風
朝來忽覺情懷惡
白髮送春風雨中
一盃濁酒醉殘紅
醉眼迷離卧夕風
夢裡分明春去也
覺來猶在落花中

又次韋堂韻

邂逅逢君又送春
青燈白髮一閒身
已隨萍梗長為客
且把金針度與人
雅謔何妨同跌宕
狂吟不是角清新
須從林下尋真趣
宦海茫茫莫問津
瘦紅肥綠了三春
猶有殘鶯伴此身
漱石枕流非俗士
批風抹月是閒人
病餘杯酌還無減
老去詩篇不厭新
那得聯筇遊物外
飄然一棹訪仙津

月夜憶故園

天晴更覺讀窓寒
漏盡嚴城夜已闌
萬事如雲多聚散

百年看月足悲歡鷄孫稍大毛猶細鶴子能鳴頂未丹
忽有所思清不寐故山叢桂倩誰攀
蕭々短髮不禁秋莫向人間作浪愁願學陶潛歸栗里
將隨顧况死楊州閒來欲得詩三昧病後空輸酒一籌
自笑痴頑成野性藜羹麥飯傲公侯

次韋堂韻

病不省春事悠。醉復醒花鬢經兩白柳眼向人青
魚種強名丙鶴雛皆姓丁穉孫如犢健愚魯勝憶惺
春歸寂寞卧虛堂踏盡殘花屐齒香柳帶晴光迎落照

麥舍秋氣送微涼從知陋巷難容駟每見奇書欲換羊
遙想齋頭叢篠密鹿車何日返吾鄉

滿簾蒼翠是終南薄酒能令午睡酣多種菊花籬過半
平分叢竹徑成三空憐賈島有窮骨不妨楊雄無劖談

韋堂善言古
事故調之

憶昔隨人遊紫陌飛塵撲面儘難堪

殘年勤學圃病不癢鋤耘懶性偏裁韭痴情欲獻芹
茶經論氣味花譜品芳芬蠻婢新炊麥午餐供一欣

家督陞除朔邑

驟陞已濫竽便養又專城雖非製錦手毋忘補衮情

哭季康

結交五十載心事兩無違
杭山叢桂樹斜川釣魚磯
笑我為小州余或下山君輒笑之憐君守初衣
樽酒招迎局時見談塵
揮麈幾同暹暎駮蛩得相依
一朝棄如遺歎息復歎歎
瑤琴從此斷紋枰共誰圍
白楊空蕭瑟故人將安歸
相逢不遠崦嵫留夕暉
此生更無友終年獨掩扉

歸山初陰

醉來渾不記陰晴
卧聽秋歌遞送聲
剛喜漁樵新有伴
却嘆書劔老無成
風霜已覺衰腸冷
山水能令病眼明

願學牙琴傳絕調
仙人何處更移情

黃梅天氣得新晴
野屋初聞打麥聲
庭草不除周茂叔
林花盡摘鄭康成
綠崖樵徑羊腸細
壓水村籬麋眼明
一自農家秋事畢
尋常風雨捲閑情

午睡初醒鵲報晴
松風吹送碾茶聲
兔葵燕麥隨時種
豚柵牛宮取次成
倘有頃田留季子
誰將斗米試淵明
功名只可付兒輩
果否此翁能忘情

送昇兒赴任

舊物唯琴鶴
輕裝任往還
飲來吳郡水
看盡永嘉山
官

小責逾重政清身自閒倘知為父願置汝龍黃間

用前韻

爽氣似秋晴暗林虫有聲棋樽隨地隱詩句得天成禮
樂崇元聖君臣慕孔明神遊千載上如獲古人情

自嘆

一生痴癖唯看字獲落無成到白紵詞賦肯為徐庾體
典謨須辨古今文畊田不妨隨牛後釣水祗宜入鷺羣
縱是封侯非骨相醉鄉猶得策新勳

夏日晝眠

枕紋印臉汗珠明振筆驅蝇睡不成忽覺櫺櫳涼意動
仄暉在樹一蟬鳴

家督又作漣川魚管

昔我莅漣州兼佩朔邑符甬又守朔邑兼佩漣州符蔣
家傳盛事父子同剖符為政無一善能不愧雙符莫作
飼鶴料且試辟蝗符時有虫史人言治有聲名實恐難符錨
銖答君恩永作三字符

用前韻

枯坐甘禪寂沉疴厭世紛懶如愁牀夜瘦似沈休文櫪

驥已成老冥鴻猶戀羣手中無寸鍊那得策詩勳

偶吟

虛將歲月拋末路寄衡節有酒空成癖無書可解嘲
松能偃蓋弱篠欲抽梢舊雨皆零落何須廣絕交

俗事未全拋乘晴補屋茆衣能手織菜食任人嘲
新月窺簾隙遙山隱樹梢園中別一鹿是我忘形交

秋夜吟

老作山中客秋來興不禁奇文生雁字高歌若出吟
雲子白如雪龍孫綠成林新秫宜釀醪良宵共誰斟
風月

為交友一刻值千金

村荒俗淳古如在結繩前莫笑支離叟終成解脫仙
巖棲非覺隱坎止是隨緣徹夜吟何苦秋虫儘可憐

次韓雅韻

詩成秋氣早茶熟午眠慵山侶飛來石人如磊落松
明時垂釣隱白髮帶經農豈負禽生約輕裝有一節

贈韋堂

殘年漸覺墨緣空邂逅相逢鶴髮翁且喜稔劉同酒
社欲追元白通詩筒老蚕猶得三眠足饑鼠堪憐五技窮

回眼誰知韋布士希音元在巖餘桐

羽邑素稱山水鄉家兒力請一遊信宿衙中

見說溪山勝今朝試問津班荆尋舊識劄記前因余

在漣川以兼暫佩郡符歲稔民憂少官閑峽俗淳何須具甘旨雲

水養吾真

羽化亭在邑治五里許

宿昔江湖志斜陽獨上樓孤烟生遠樹雙鷺立虛舟不
是滁亭飲偶成河曲遊如將御風去一嘯坐欄頭

白髮登臨興徘徊忽有詩帆隨山影轉樓壓石頭危江

峽秋霜早楓林夕照遲客遊佳節近須作再來期

水天同一碧聘矚意何如秋氣鬚眉際詩聲咳唾餘恥

為安邑累願學考亭居更有濠梁趣垂竿欲忘魚

畫標縹緲碧山隈瀟眼波光鏡面開遙望扁舟停渡口

一雙鷗鷺引人飛

初度日家兒邀邑中諸宗人盡日飭歡

淺斟低唱畫堂前應為懸弧有此筵世遠猶知敦睦誼

偶從萍水得團圓

衙中偶吟

一水西來環一面緣堤種柳碧參差亭前射鴨詩成後
厨下烹鮮酒熟時老栢森、崔相宅邑中有崔相國恒古墓秋苔
寂、沈公祠壬辰沈公岱戰歿於此建表節祠歷探往跡如鴻爪且
向晴窓弄奕棋

錦江

偶因看月上南樓忽憶蘇仙載酒遊兩岸蘆花飄似雪
鯉魚風起錦江秋

錦江唯有錦鱗魚錦魚外無他種細斫登盤切玉如、此良宵
須盡醉烟波十里月生初

錦屏山

錦屏山在錦江灣粧點烟雲鏡裡看白首盟鷓君莫嘆
人間還有此江山

重陽

滿天風雨恹登臺空負佳辰泛菊盃卧看庭前兒輩戲
衝風冒雨買糕來

朔邑之行路由連川連停即三從鑄也畱宿衙中有感
兩作

樹色山容似昔年鼓樓鈴閣總依然舊吏多從階下拜

如何箇、雪盈顛

江村夜雪

漁子爭喚侶侵晨向江干不辨舟泊處空渚雪漫

舟中

一水成三渡終朝鏡裡行有時驚浪起無恙片颿輕白
日同旋轉青山侶送迎那知歸路遠安坐列鄉城

咏雪用聚星堂韻

上天密、布雲葉春頭鴈尾更多雪麗艷如篔復散漫
六街三市飛塵絕萬瓦都藏魚鱗錯曲筵割盡羊腸抗

着處紛、化物象獨有庭鶴丹不滅畢竟輪回水面消
忽爾盤旋風中掣恍疑身在廣寒宮通體生粟眼生鑽
二三村叟來款扉厖眉相對霏談屑簾外乍看曠山晴
色、空、捲一瞥縱是覓句多犯禁肯將玉月蹈陳說
老去還無熱心腸不妨衾裯冷如鍊

秋事次夏園韻

農家消受十分秋禾黍盈、歲有收病未把鋤還省事
閒堆款枕漫多愁偶目移竹闥新徑祇為看山拓小樓
踏盡軟紅衣已化從今一步不回頭

繁霜重露互催秋。四野黃雲次第收。且愛酪奴能解渴，
從知歡伯善驅愁。腰圍稍減頻移帶，脚力全消懶下樓。
却羨釣魚翁一葦，百年無事坐磯頭。
餘生能得幾番秋。灑氣無邊暑氣收。一葉先飄驚醉夢，
百虫皆作動吟愁。僧歸流水聲中寺，人語白雲多處樓。
強欲登高試衰眼，夕陽猶在碧山頭。
坎止流行七十秋。桑榆已薄更何收。除非傲骨能容物，
縱是枵腸不貯愁。何必移文請回駕，未嘗作賦慣登樓。
那堪衰髮飄殘雪，且把黃花插滿頭。

流水年光又一秋。老來豪興未全收。榮期曠達歌三樂，
平子牢騷賦四愁。學道誰能探月窟，教兒只許破煙樓。
吾生碌碌甘雌伏，不妨巢居屋打頭。

夜吟用前韻

寂、一簾秋晴光分外。收禿毫猶寫興，短燭未燒愁郭。
隗千金骨陳登百尺樓，所思何渺、新月上欄頭。
山楓已占秋暝靄，淡將收癯鶴如人。老賓鴻喚客愁衆。
泉爭赴壑，微月乍窺櫻滿眼，豐年象穀堆過屋頭。

池上偶吟

臨池照影謾長吁老去誰知膽滿軀
手種魚苗成徑尺秋來不復夢江湖

賀積城洪使君 海初

不知使君面爭說使君賢梅畝終成隱
葛洪能學仙月生傾蓋地春趁下車天
風樹應多感一城今獨專

春日

老眼偏明節物新條風和雨更催春
逸傳花信鶯持世獨卧松陰鶴化身
慧業能知千載事夢魂猶見九原人
餘生幸得尋東路不負羊公一角巾

閒居

縱道閑居好閑居有幾人行雲無定態
止水返吾真禽語能移日花光欲燒春
不知山外事風月自關身

偶吟

終為虛名白盡頭閒來更覺此生浮
西湖船上林君復下澤車中馬少游
學語難成痴幙燕守盟不去信沙鷗
審風吹送花千樹富貴真堪傲五侯

自歎

七十更何求吾生得自由
暇名無利益看字有昏眸
草

葉催春事節枝認舊遊平蕪日將夕閒臥數歸牛

偶吟

懶散仍多病痴頑不鮮愁坐成棋局隱卧作畫中遊溪
漲犢浮鼻柳衰鶯變喉一盃堪遣興呼婢問新篇

次朴清州最壽韻

不減登臨興山顛與水涯眼看春月滿心逐暝雲賒愧
我才全退憐君髮欲華誰知舊明府瀟洒野人家
每恨當年不學詩只將紅豈寄相思楊生正合成玄草
倪老何妨做白痴北陌春殘花落處南樓人語月明時

悠々往事渾如夢觸發餘生感舊知

即事

數弓庭砌百花明衣袂生香鼻觀清可惜詩人無品別

玫瑰猶冒海棠名

東人以玫瑰為海棠

早蓮

或恐淤泥染應從陸地生繁葩金色淨團葉露珠明愛
菊推陶令漏襟疑楚經亭々君子側廢不負嘉名

漫吟

殘年邱壑志無處不幽尋奇石泉生眼虛潭月印心傳

盃看竹影移榻借桐陰兒已覩翁意來登先贖琴

自歎

不遲亦何用風霜鬢已凋閒花猶向日困鳥欲冲霄玉
樹埋良友金魚負聖朝疴餘常戒酒一旆莫相招

鷗

聯翩飛下浴清波愛爾閒情似我多十載江湖盟不改
依風俛月共婆娑

鷺

飲啄何曾出世間頭絲如雪守空灣一江烟雨生涯足

為底春鋤不暫閒

鷺

翠幙朱樓春晝寂雙、接翼向人依避來成已尋巢至
閱盡炎涼剪爪歸山日將曛頻對語江天欲雨忽高飛
艱辛得食唯均哺母瘦雛肥亦忍飢

偶吟

老去知心少秋來作意偏願隨鷗萬里空羨鶴千年棋
裡經寒煖樽前樂聖賢棋樽猶俗事一枕寄悠然
修靜群魔伏作裏二豎侵誰憐蔡衛廷獨愛竹虚心小

兩叔殘暑微雲送薄陰
筇枝同我瘦猶不廢登臨

家督自朔邑移拜積城

邑雖如斗小中有七重山
山名况復家鄉近翩、五馬還

芭蕉

雨聲掠亂露華團
葉、抽新取次看
縱是東風催展綠
一生體弱恸春寒

螢

生、皆化腐窠暗獨含
明放光林際起曳影水邊行
甬能知進退人或此忠貞
耿、來相照應憐漆室情

蠅

附驥行千里懷蛆過
一生動時遭怒罵止處得讒名
遇赦能先報賀科如拜迎
晨窓爭鑽紙應攪老禪情

蚊

飲血偷生奈齧民
愧無憐悵庇吾身暗中求食猶知禮
白晝何曾齧一人

蜘蛛

喜事爾先知往來結網絲
經綸滿九腹應無盡吐時

蠹

歧尾如魚聚羣行，侶蟻旋百年。空食字幾箇，化為仙。

次龍灣洪雅韻

聞君抱負奇，邂逅春時素。裡陰陽訣，樽前甲乙詩。離筵贈芍藥，別時為芍盛開。羨塵代松枝，珍重千金字。交情別後知。

次宋叅奉鴻漸韻

山中歲月惟一葉，報秋回睡味甜如蜜。名心冷，伴灰平。吹菰米飯，卽醉菊花杯。願借西風力，時吹好友來。

述懷

撇却人間事，生涯一釣翁。斧斤遺壽櫟，羅網漏冥鴻。多酌是歡伯，孤吟唯惱公。巖居非達隱，不妨臥墻東。壯心猶似昨，短髮奈成翁。自比禪中虱，誰憐廡下鴻。奇形呼石丈，高節仰松公。七八椽，節屋溪南是濼東。

籬菊始開

寂々松窓短々籬，澗林秋色夕陽遲。數枝花葉無人見，獨有遊蜂聖得知。

次宋叅奉韻

殘年非復倦遊時，才退江郎欲癡詩。還我書生冠已掛。

任他一死鋪和隨雁如傳信霜初候鷓不寒盟歲暮期
賴有東翁時命駕衰來更覺惜說知
閒後胸懷抵海寬餘生不復逐狂瀾青燈話雨頻投轄
白髮臨風共振冠酒猶嫌漁艇追枕書應苦客羶寒
鴻漸老 猶作客老子近來疎火食日將籬菊代三餐
記昔相逢綠野堂人生離合太匆忙清談已却心腸熱
好句能生蕊頰香別後愁多秋更老病餘眠少夜偏長
何時重會論文友社酒寒燈樂未央

九日

山風吹帽送佳辰短策登高物色新記得前年觴詠地
黃花又笑白頭人
萸香菊氣醉蕭辰卯色天晴灑景新六十八番重九節
幾番能作把盃人

敬次直谷韵

石坡大人在直
谷寄詩索和

浮雲富貴任行藏
吃歲優遊意更長
片月能令天下白
孤花自在雨中黃
急人高義憐窮節
特地閒情寄小庄
老物無功偏受賜
羹魚飯稻菜三香

山珍海錯
屢蒙嘉惠

山居禱詠

曉窓霜氣逼重衾伴榻無人抱膝吟愛士當年懷北海
留僧盡日話東林一生不負尋海約到老猶存御李心
十襲瓊琚藏古錦誰知隻字抵千金
短筇扶老上層巒野色蒼茫眼界寬綠綺橫床琴韻古
青蛇蟠壁鈞光寒讀書不覺千秋遠對酒能成半日歡
供養水仙花百本開時肯許俗人看

漫吟

乞骸猶戀湖屏蹟獨闕扉短髮難容帽飛塵易化衣庭
花每含笑林鳥漫催歸病未尋溪伴苔痕上釣磯

扶藜籐作杖避俗竹為扉秋熟先乘屋山寒早換衣前
盟鷓自在新眷鶴同歸不是濠梁想翛然坐石磯

賀洪成悅永禹大闡

相門喬蔭重仙籍桂香新白屋窮經士黃堂解綬人螢
囊傳幾葉雁塔躡前塵世好兒孫在堪憐老大身

文房四友

蘊藉龍鬚友多生擅墨緣披心呈錦繡弄舌吐雲烟蔡
氏成飛白楊家得草玄殘年無計作那復夢如椽
文章切最大楮氏合封侯廣布千金賦添修五鳳樓拂

窓蕉葉展映几夢光留白首同鉛槧時時詠玉鉤
落紙分明如點漆誰將玉杵搗六霜一生書契因緣重
築底消磨不減香
臨池洗罷匣中藏仁德金聲獨擅腸可是香初茶半候
一泓秋水寫秋光

寄和之

莫景忘年梁秋宵話兩時春頭一離別月魄幾盈虧猶
作寒梅伴空吟短李詩京塵衣易化莫負杏花期

除夜

只因鷄一呼六十八年無已矣稀年薄龍鍾七尺軀

次李妹婿閩甫韻

樵漁成宿志占得水雲鄉莫境知心友寒家坦腹郎萍
遊曾判襪梅發更連床不見阿戎久春愁抵草長
後、吾生老未休君於名利淡無求歸期欲趁三、燕
宿約難忘六、鷗不妨手談同坐隱肯教胸次著閒愁
品題山水詩如畫倘得郵筒作卧遊

老來飲啄寄林間百鳥聲中獨掩關對酒休談當世事
看花猶作少年顏劇憐沈約緣詩瘦欲與陶潛共賦閒

巨耐離愁添鬢雪相逢無幾又還山

贈柳雅

咀嚼英華詩滿腹力追風雅古人踪偶從月下逢素虎
曾向雲間識士龍其仲兄酒國猶堪壺作隱書田不
妨筆為農殘年喜得忘年友但願相依似駉蛩

恭和直谷韻

曠年節屐欲幽尋收拾殘骸返故林耕鑿誰能知帝力
涓埃莫遂愛君心身閒漫作丹邱想才退難成白雪吟
渙暇樵餘無一事卧看斜日隱西岑

偶吟

朝向東園去春痕又一年離鶯皆解語老柳獨成眠林
際瓜牛屋水中秧馬田山妻時送酒醉倒落花前
萍遊成短髮櫟壽抵稀年雨意從鳩喚花魂引蝶眠壺
中開樂國研上有閒田莫道山居僻繁華滿眼前

次柳雅韻

睡罷扶筇上釣臺溪扉每向鏡中開落花三徑春將盡
為底羊求不肯來

老去吟朋盡夜臺堪憐病眼向誰開尊前試把君詩讀

十指同搔背癢來

即事

拄杖消搖任所之，浪遊何似宦遊時。
潭心水淨留雲久，樓面峯高得月遲。
善本求來臨褚帖，閒情寫盡讀陶詩。
縱無鷄黍村厨冷，日採黃精可療飢。
捨茲邱壑欲何之，末路行藏際聖時。
狂客至今稱賀監，小人從此學樊遲。
青雲未試屠龍技，白髮空吟乞食詩。
麥已登場尔已苗，一村和氣午無飢。
繞膝諸孫每頷之，晚來還有喜歡時。
行尋泉脉移筇遍

坐愛荷香下釣遲，多酌何妨終日醉。
餘生又賦送春詩，柴門不羨金門貴。
誰識當年曼倩飢

偶吟

眸色連空兩脚斜，小窓閒卧數歸鴉。
餘骸亦受東皇賜，肘有垂楊眼有花

來禽青李一行斜，閭字村童學畫鴉。
時向籬根尋隙地，老年猶種少年花。
花名

山居四時八首

獵、東風吹不絕，莖生又是始耕時。
儂家烏犢如儂瘦

布穀空催種稻期

落絮繽紛日欲斜
門前種柳是誰家
山中富貴無人管
個、樵童一擔花

昨宵梅雨漲前溪
一望平疇麥鬣齊
卯酒初醒庭際立
秧歌多在夕陽西

赫赫炎威日正中
午眠何待北窓風
每從隴畝鋤難盡
小艸偏霑雨露功

水色山光分外清
庭柯撼砌出鳴蛙
瓜畦稻隴渾無恙
坐看黃雲取次生

君恩浩蕩許歸耕
不是尊鱸惹客情
除却衆芳唯種菊
短筇終日繞籬行

扶飲新菊意氣豪
穀堆還與屋爭高
三餘無事門常掩
讀盡義經又楚騷


林屋雪晴山月弦
衾裯潑水夢難圓
四時景物元如許
天遣梅花勸一年

漫吟

僕本一閒人間情
老更新蕉窓鳴急雨
花徑掃殘春
選樹非凡翼潛淵
是巨鱗倩他庭畔月
行止寫吾真

七十

七十人所欲古人稱古稀行年抵七十方知所欲非無
端成棄物攬鏡一歔歔隆眷賜糜監已許引年歸坐受
諸子養自然息塵機起居唯頹杖燠寒不製衣山扉晝
常寂開闔任風吹一白澆吾愁九丹救吾衰噉啗無多
照經綸在少時老翁何所求亞父空好奇前溪能垂釣
八十倘可期



以下全て
白紙



